

辰谿縣志

辰谿縣志

辰谿縣志卷之十四

祀典志

昔展禽論祀典而臧文仲使書爲三策其言與祭法同大都不離崇德報功之旨我

國家禮明樂備制度精詳奉

頒秩祀皆功在民命功在民彝之神非是族也不在祀典奉行者執事有恪罔敢隕越其亦先成民而後致力於神夫是之謂明德惟馨焉作祀典志

先農壇

雍正四年奉

上諭國以民爲本民以食爲天朕卽位以來念切民依舉
行耕耜之禮殫竭精誠爲民祈穀於

上帝乃雍正三年耜田疊產嘉禾有至一莖八穗九穗皆
碩大堅好異於常穀朕見之心甚慰悅特令宣示廷臣
朕非以此爲祥瑞誇耀於衆也蓋實有見於天人感召
之理捷於影響無纖毫之或爽朕以至誠諄懇之心每
歲躬耕耜田以重農事卽蒙

上帝降鑒疊產嘉穀以昭體應似此八穗九穗之穀豈人

力之所能強爲亦豈人君所能強之使有乎天人感應之理朕見之最真最切但恐此心不誠耳誠則未有不動者蓋天生民而立之君監觀在上人君一念敬謹政事無闕失天必嘉之佑之一念放逸政事有乖天必儆之戒之此一定之理也况人君撫馭臣庶位處極尊所以賞罰之者獨有

上天耳是以朕每於水旱等事皆實心內省必繫朕有過失

上天儆示我譴也朕每歲躬耕藉田竝非崇尚虛文以爲

觀美實是敬天勤民之至意禮曰天子爲耜千畝諸侯爲耜百畝據此則耕耜之禮亦可通於臣下矣朕意欲令地方守土之官俱行耕耜之禮使之知稼穡之艱難悉農民之作苦量天時之晴雨察地力之肥磽如此則凡爲官者皆時存重農課稼之心則凡爲農者亦斷無苟安怠惰之習於養民務本之道大有裨益著九卿詳議具奏欽此遵

旨議定令奉天府尹直隸各省督撫轉行各府州縣衛所於各該地方擇潔淨之地照九卿所耕耜田畝數

爲田四畝九分設立

先農壇於雍正五年爲始每歲仲春亥日奉天府尹各省督撫及府州縣衛所等官率屬員耆老農夫恭祭

先農之神照九卿耕耤例行九推之禮其設壇並祭俱動支正項錢糧用過數目各該地方官報明戶部查核其耤田內所收米粟敬謹收貯爲各該處祭祀之粢盛將各處設立耤田畝數令該撫報明戶部存案

行禮儀節

每歲仲春亥日巳時祭

先農壇午時行耕耨禮祭日承祭官率各官詣

神立供於

壇上朝服行禮祭畢送

神入祠

壇高二尺一寸牌高二尺四寸座高五寸廣九寸五分

壇後祠宇正房三配房各一正房中供

先農神位

紅牌金字

東正房

貯祭器農具

西正房

貯耨田米穀

東配房

買辦
祭器
西配房
看守農
民居住

藉田

四畝九分
在東
郊

祭品

帛一
色白羊一豕一鉶一邊四豆四簠二簋二

儀注

祭期前一日委員省牲補服行一跪三叩首禮正
祭日各官俱至

壇朝服行三跪九叩首禮飲福受胙禮畢退班各官

更彩服不衣補服候吉時行耕耤禮

耕耤儀注

正印官秉耒佐貳執青箱播種耆老牽牛農夫扶犁九推九轉畢農夫終畝各官彩衣補服耆老

農夫望

闕行三跪九叩首禮畢各退

耕耤器物

農具一赤牛一色黑耔種一色青

耕耤人役

耆老一名牽牛農夫二名扶犁農童六名唱歌

祝文

惟

神肇興稼穡粒我烝民頌思文之德克配彼天念率育之功常陳時夏茲當東作咸服先疇洪惟

九五之尊歲舉

三推之典恭膺守土敢忘勤勞謹奉彛章聿修祀事惟願五風十雨嘉祥恒沐於神庥庶幾九穗雙岐

上瑞頻書於大有尙饗

社稷壇

每歲春秋仲月上戊日出主於壇而祭之

祭品

帛一色黑豕一羊二鉶一邊四豆四簠二簋二

儀注

與先農壇同

祝文

惟

神奠安九土粒食萬邦分五色以表封圻育三農而蕃

稼穡恭奉守土肅展明禋時屆仲

春秋敬修祀典庶

九九松柏輦盤石於無疆翼翼黍苗佐神倉於不

匱尙饗

風雲雷雨

山川

城隍之神其一壇

每歲春秋仲月上戊日合祭風雲雷雨居中帛山

川居左二帛城隍居右帛一俱

祭品儀注

俱與前同

祝文

惟

神贊襄天澤福佑蒼黎佐靈化以流行生成永賴乘氣
機而鼓盪和肅攸宜磅礴高深長保安貞之吉憑
依鞏固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲幣

尙饗

雩祭

乾隆七年議准直省各府州縣孟夏擇日行常雩
禮或有亢旱每七日先祭界內山川次祭社稷致

齋虔禱雨澤不雨仍行祈禱如初不必另設雩壇
其社稷藉田等處自有舊設壇壝可以恪恭將事
其或霽潦爲災則伐鼓用牲禳祭城門以祈晴霽
常雩在

先農壇行禮所祭卽先農山川社稷之神

祭品儀注

俱與前同
祈雩見後

祝文

恭膺

詔命撫育羣黎仰體

彤廷保赤之誠勸農勸稼俯惟部屋資生之本力穡
服田令甲爰頒肅舉祈年之典惟寅將事川伸守
土之忱黍稷惟馨尙冀明昭之受賜來牟率育庶
俾豐裕於蓋藏尙

饗

如遇旱禱雨報謝
臨時更撰祝文

文廟

雍正三年

詔罷縣並用太牢

乾隆三年頒祀典每歲以春秋二仲月上丁日致
祭

正殿

至聖先師孔子神位

正中南向

祭品

帛一

白

牛一

羊一

豕一

登一

鉶二

簠二

簋二

邊十

豆十

酒罇一

白磁爵三

四配東二位

殿內東

旁西向

復聖顏子

名回字子淵魯人

述聖子思子

名伋字子思

鯉之子

四配西二位

殿內西

旁東向